

人縱亦擒海內鼎分孤鵲遁隆中雲臥一龍吟鞠躬死後猶餘
恨翠柏黃鸝自古今

武侯祠

朱熹

空山臥龍處蒼峭神所鑿下有寒潭幽上有明河落我來愛佳
名小築倚幽壑永念千載人丹青豈今昨英姿儼繪事凜若九
原作寒藻薦芳馨飛泉奉明酌公來識此意顧步慘不樂抱膝
一長吟神交付冥漠

拜武侯祠

有序

唐莊王

孔明佐昭烈復漢室開誠心布公道可以爲萬世相天
下者之法矣綱常之道賴以不泯後之君子因是而正

道藏輯要

忠武侯集

辛

星集四

誼明道以扶世立教當百世祀之可也今城西臥龍岡
爲侯發迹之地建祠肖貌血食有年暇日往謁祠下訝
其棟宇傾圯心欲新之旣而遂形於夢寐感悟之餘乃
命工重加修葺告成之日敬潔醴牲奠焉因贅一律時
正德丙寅秋吉也

曉來床下拜遺風新宇輝煌禮合崇光嶽有靈頻我夢山河無
語肅神宮桂漿鳴鼓喧瑤席甲馬屯雲駐碧空願得清陽私舊
澤常教禾黍報年豐

謁武侯祠

唐藩三城
康穆王

古柏年深翠色屯龍岡迢遞接荆門魏吳未滅屋先隕天地昭

臨節尚存二表已深爲國計一心誠切報君恩叢祠俯仰應增感五丈原頭日易昏

武侯祠

唐藩文城
恭靖王

炎鼎將移世運窮先生何事老隆中若教新野無徐庶誰識南陽有臥龍三顧草廬知節操兩封師表見精忠當時若遇初昇日應使張韓立下風

遊臥龍岡拜孔明祠

藩蕩陰
王

臥龍岡下試重遊步入祠堂謁武侯碑上莓苔春雨足草迷田野暮雲愁鼎成炎漢三分國力挽殘陽四十秋垂世文章昭日月出師二表見忠猷

道藏輯要

忠武侯集
詩

壘

星集四
川川

臥龍祠

陳珂

扶持漢室傾心乃成敗由天豈自由伯業一匡真不易遺才三代向誰求補天鍊石功難晦挽日麾戈志未酬終古英靈含永恨臨風有淚欲零眸

武侯祠

曹璉

一帶長江遶故墟孔明曾此結茅廬韜光久負商伊志枉顧頻勞漢胃車八陣圖成終不朽三分國定欲何如觀風偶過躬耕隴慨想長吟恨有餘

臥龍祠

顧福

臥龍岡下野雲屯長慨當年舊棘門國據三分惟死誓名高二